

URDUÑAKO ARKUPEA SL ERAKUNDEKO KLINIKAKO ETA GERIATRIAKO LAGUNTZAILEEN ALDI BATERAKO KONTRATAZIOETARAKO POLTSA OSAGARRIA SORTZEKO PROZESUA ARAUTZEN DUTEN OINARRIAK

LEHENENGOA.- DEIALDIAREN HELBURUA

Deialdi honek Urduñako Arkupea SL erakundeko klinikako eta geriatriako laguntzaileen aldi baterako kontratazioetarako indarreko poltsaren osagarriaren sorrera arautzen duten oinarriak zehaztea dauka helburu.

Poltsa osagarria eratzen dutenei Urduñako Arkupea SL erakundeko klinikako eta geriatriako laguntzaileen indarreko poltsa agortzen denean deituko zaie.

Kontratazioa egiteko orduan, honako hauexek hartuko dira kontuan: legeria, **Urduñako Arkupea SL erakundeko aldi baterako lan-poltsen kudeaketari buruzko araudia** eta Urduñako Arkupea SL erakundeko lan-kontratudun langileen lan-hitzarmena.

Klinikako laguntzaileen lanpostuek honako ezaugarri hauek izango dituzte lanaldi osorako: taldea: C2; lanpostu-mailako osagarria: 19; berariazko osagarria: 10.471,80 €.

Geriatrico laguntzaileen lanpostuek honako ezaugarri hauek izango dituzte lanaldi osorako: taldea: AP; lanpostu-mailako osagarria: 16; berariazko osagarria: 9.532,29 €.

BIGARRENA.- IZANGAIEN ESKAKIZUNAK

Oro har, izangaiek honako eskakizun hauek bete beharko dituzte, hautaketa-prozesuan parte hartzeko:

- A) Espainiako edo Europar Batasuneko edo Europako Esparru Ekonomikoko estatu kideren bateko nazionalitatea edukitzea edo, Europar Batasunak sinatutako eta Estatu espainolak berretsitako nazioarteko itunen arabera, langileen zirkulazio askea ezarri behar duen estaturen bateko nazionala izatea eta gaztelaniaz behar bezala jakitea.
- B) 16 urte beteta edukitzea eta nahitaezko erretirorako adina baino gehiago ez edukitzea.
- C) Klinikako edota geriatriako laguntzaileen eginkizunen ohiko garapena eragozten duen gaixotasunik edo akats fisikorik ez edukitzea.
- D) Diziplinazko espedientearen bidez estatuko, autonomia-erkidegoko edo tokiko administrazioetik baztertuta ez egotea eta funtzio publikoak egiteko ezgaituta ez egotea.
- E) Honako titulazio hauetako bat edukitzea:
 1. Apirilaren 7ko 546/1995 Errege Dekretuaren arabera ezarritako Erizaintzako Zainketa Osagarrietako Teknikariaren Titulua edo apirilaren 30eko 777/1998 Errege Dekretuan zehaztutako titulu baliokideak edo, hala badagokio, ondorio profesional berberetarako argitaratzen den beste edozein titulu.
 2. Azaroaren 4ko 1593/2011 Errege Dekretuaren arabera araututako Mendekoen Arretarako Teknikariaren Titulua edo maiatzaren 2ko orduko 496/2003 Errege Dekretuaren arabera ezarritako Arreta Soziosanitariorako Teknikariaren Titulu baliokidea edo, hala badagokio, ondorio profesional berberetarako argitaratzen den beste edozein titulu.
 3. Abuztuaren 1eko 1379/2008 Errege Dekretuaren arabera araututako Mendekoen Institutuzio Sozialetan Jaso Beharreko Arreta Soziosanitariorako Profesionaltasunaren Ziurtagiria edo, hala badagokio, ondorio profesional berberetarako argitaratzen den beste edozein titulu.

Titulazioak atzerrikoak badira, haien homologazioaren egiaztatzea eduki beharko da titulazioak eta merezimenduak aurkezteko epean.

1. Klausula honetako E)1 idatz-zatian zehaztutako titulazioa dutenek aldi baterako kontratazioak eskuratu ahal izango dituzte "klinikako laguntzailearen" nahiz "geriatriako laguntzailearen" lanpostuetan, erakundeak berak helburu duten lanpostu-mota bakoitzerako zehaztu dituen eginkizunak eta ordainsaria kontuan hartuta.
2. Klausula honetako E)2 eta E)3 idatz-zatietan zehaztutako titulazioa dutenek modu eskusiboan eskuratu ahal izango dituzte "geriatriako" lanpostuetarako aldi baterako kontratazioak, erakundeak berak helburu duten lanposturako zehaztu dituen eginkizunak eta ordainsaria kontuan hartuta.

HIRUGARRENA.- ESKAINTZAN IZENA EMATEA

Interesa dutenek eman behar dute izena zehaztutako epean. Horretarako, eskabide-orria Urduñako Arkupea SL erakundeko bulegoetan (San Frantzisko auzoa 1 - 48460 Urduña, Bizkaia) aurkeztu besterik ez dute, astelehenetik ostiralera, 10:00etatik 14:00etara.

Eskabide-orria Urduñako Udalaren webgunean (www.urduna.com) eta Urduñako Arkupea SL erakundeko bulegoetan egongo da eskuragarri.

Izena emateko epea 2018/11/09an hasi eta 2018/11/19an (barne) amaituko da 14:00etan.

Eskakizunak eta merezimenduak egiaztatzeko epea 2018/11/21ean (barne) amaituko da 14:00etan. Oinarri hauetako bigarren klausulan zehaztutako eskakizunen eta laugarren klausularen arabera alegatutako merezimenduen egiaztagirien kopia aurkezteko epea egongo da zabalik, eta 2018/11/21ean amaituko da 14:00etan.

LAUGARRENA.- ESKABIDE-ORRIEN BALIOESPENA

Hautaketa-prozesua merezimenduak balioesteko fase bakar batean egituratuko da honako baremo honen arabera:

A) LAN-ESPERIENTZIA: gehienez ere, 20 puntu.

Emandako zerbitzuak lan egindako hilabeteko balioetsiko dira. Emandako zerbitzuen ziurtagirietan urtetan adierazitako epealdia hilabete bihurtuko da, urteak hamabi hilabete dituela kontuan hartuta, eta egunetan adierazitakoa hilabete bihurtuko da, hilabeteak hogeita hamar egun dituela kontuan hartuta.

Harreman juridikoa edonolakoa dela ere, administrazio publikoetan edo enpresa pribatuetan emandako zerbitzuak balioetsiko dira, arlo zibileko edo merkataritzako zerbitzuen errentamenduetarako kontratuak izan ezik:

- a) **0,20 puntu** deialdiaren helburu den kategoria profesionalean **osorik lan egindako hilabeteko** (klinikako laguntzailea, geriatriako laguntzailea, gerokultorea edo antzekoa).

Garatutako lana justifikatzeko, erakunde publiko edo pribatu bakoitzean **lan egindako epealdiaren ziurtagiria** aurkeztuko da baliozko agiri bakar moduan, eta honako hauxe azaldu beharko da bertan: kategoria, lanaldiaren ehunekoa eta lan egindako epealdia.

2018/10/31ra arte lan egindako egunak hartuko dira kontuan.

B) EUSKARAZKO PRESTAKUNTZA: gehienez ere, 4 puntu.

1. hizkuntza-eskakizuna: 1 puntu
2. hizkuntza-eskakizuna: 2 puntu

3. hizkuntza-eskakizuna: 4 puntu

BOSGARRENA.- HAUTAKETA-BATZORDEA

Honako hauexek osatutako Hautaketa Batzordeak hautatuko ditu izangaiak:

- 1) Urduñako Arkupea udaleko egoitzako eta eguneko zentroko zuzendaria edo berak eskuordetutakoa.
- 2) Urduñederra SL erakundeko Enplegu eta Prestakuntza Arloko teknikaria edo berak eskuordetutakoa.
- 3) Urduñako Arkupea erakundeko txandako laguntzailea (ikuskatzailea) edo berak eskuordetutakoa.

Hautaketa Batzordeak behar besteko eskumena izango du, oinarriak eta, hala badagokio, deialdia interpretatzeko eta hautaketa-prozesu osoan sortutako zalantzak argitzeko, deialdi honetan aurreikusita ez dagoen guztian.

SEIGARRENA.- HAUTAKETAREN EMAITZA ETA KONTRATAZIORAKO PROPOSAMENA

Prozesuaren emaitzak kontuan hartuta, Hautaketa Batzordeak Urduñako Arkupea SL sozietate publikoko klinikako eta geriatriako laguntzaileen lanpostuetarako aldi baterako kontratazioetarako lan-poltsa osagarria eratuko dutenen poltsa proposatuko du, administrazio-organoak onartu dezan.

Berdinketarik egonez gero, honako irizpide hauek hurrenez hurren kontuan hartuta ezarriko da ordena:

1. Esperientziagatiko merezimenduen arloan puntu gehien lortu dituenaren alde.
2. Prestakuntzagatiko merezimenduen arloan puntu gehien lortu dituenaren alde.
3. Hala ere, berdinketak bere horretan badirau, zozketa egingo da. Hautaketa Batzordeak letra bat zozketatuko du, eta izangaiaren lehenengo abizenaren ordena alfabetikoaren arabera ordenatuko dira puntuazio berdinak.

**ESKABIDE-ORRIA - IMPRESO DE SOLICITUD
ALDI BATERAKO LAN-POLTSA - BOLSA DE TRABAJO TEMPORAL
KLINIKA/GERIATRIAKO LAGUNTZAILEA - AUXILIAR DE CLINICA/GERIATRIA
URDUÑAKO ARKUPEA SL**

Izena / Nombre:	Deiturak / Apellidos:
NAN / DN:	Jaiotza-data / Fecha nacimiento:
Helbidea / Domicilio:	
Udalerría / Municipio:	Posta-kodea / Código Postal:
Harremanetarako tel. / Tel. contacto:	Posta elektronikoa / Correo electrónico:

Data eta sinadura / Fecha y Firma: _____

IZANGAIEN ESKAKIZUNAK ETA MEREZIMENDUAK / REQUISITOS DE ACCESO Y MERITOS

- Deialdian eskatutako titulazioa / Titulación exigida en la convocatoria**
- Aurkeztutako merezimenduen zerrenda / Relación de méritos alegados**

Egiaztatutako hizkuntza-eskakizuna / Perfil acreditado: _____

Lan-esperientzia / Experiencia Profesional:

1. _____
2. _____
3. _____
4. _____
5. _____
6. _____
7. _____
8. _____
9. _____
10. _____
11. _____
12. _____
13. _____

- Bai, Urduñako Arkupea sozietatean dagokion kategorian eman dut zerbitzua, eta aipatutako zerbitzuak ofizioz ziurtatu daitezela eskatzen dut. / Sí, he prestado servicios en la categoría correspondiente en la sociedad Urduñako Arkupea y solicito que me sea expedida de oficio la certificación de dichos servicios.
- Beheko sinatzaileak eskabide honetan eman dituen datuak benetakoak direla adierazten du, baita deialdiak eskatzen dituen baldintzak betetzen dituela ere. Halaber, konpromisoa hartzen du eskaera honetan jarritako datu guztiak agirien bidez frogatzeko. / La persona abajo firmante declara que son ciertos los datos consignados y que reúne las condiciones exigidas en la convocatoria, comprometiéndose a probar documentalmente todos los datos que figuran en esta solicitud.

Data eta sinadura / Fecha y Firma _____